

CANORTA TGIMIROLA SAVOGNIN: de d'energia

Ena plazza da giuer cun bler sustign

pb. Ossa dus onns totga la Canorta Tgimirola a Savognin tar la purscheida per unfants dalla subregiun da Surses. Genitours tgi labouran son dar giu cò lour unfants durant igl de. Cun l'inaugurazion dalla plazza da giuer sonda passada gis dasperas la canorta, è nia fatg en ulteriori pass an direcziun infrastructura.

Siva digl 1. matg 2015 ò l'uniun Laibella dasperas ena canorta per unfants a Valbella, er eyna a Savognin. Chella sa catta ainten las localitads dalla anterioura Cantina a Savognin sot, gis dasperas la vart dretga dalla Gelgia.

Monika Battaglia e Bettina Bergamin èn ainten suprastanza dall'uniun Laibella ed èn responsablas an amprema lengia per la canorta a Savognin. Monika Battaglia per l'infrastructura e Bettina Bergamin per igl personal e comunicaziun.

Igl travagl marscha

Damais siva digl 1. matg 2015 è mess an peis igl travagl dalla Canorta Tgimirola a Savognin. Actualmaintg èn 18 unfants inscretgs e vignan survigilos e survignan giantar igl glindesde, igl marde, la gievgia ed igl venderde. An media èn 7 - 11 unfants an de ainten la canorta.

Manada vign la canorta da Pascale Layaa-Laulhé tgi laboura 100 % ed è diplomada. Mademaintg diplomada e pladeida cun 80 % è Daniela Spitznagel e cun 40 % laboura anc Sarina Collet scu survigiladra digls unfants.

La Canorta Tgimirola è damais en travagl tgi è a tschairs ainten l'anterioura Cantina ed ò da paer igl personal tgi magna igl travagl. Chels costs vignan cuverts d'ena vart cun las tarifas



Canorta Tgimirola Savognin: unfants, assistias digls representants digls Lion's Club Surses on tagla igl bindel scu act simbolic d'avvertura per la nova plazza da giuer.

tgi igls genitours u educatours digls unfants paian per igls divers sarvetschs tgi els fon adiever. Dasperas dattigl en sustign igl cumegn Surses an furma dad ena garanzeia da deficit, dalla Leia Rumantscha an furma da codeschs per unfants e dalla Uniun da donnas Savognin cun ena contribuzion annuala.

A parteir digl davos onn da scola dattigl la mesemda dumang scu part integrada dalla Canorta ena gruppa da giuer «Artgantschiel». Chella vign manada da Ricarda Graf e Patrizia Plaz. Chella gruppa vign manada an rumantsch. Er per parager en tant unfants tgi èn dad oter lungatg sen la scoletta rumantscha.

Sustign generous

Scu tgi la canorta vign a sa sviluppar agl avgneir punto frequenzas è igl mument grev da deir. Chegl dependa er en tant dalla demografia ed en tant scu tgi la populaziun sa metta aint sen chest sarvetsch supplementar per igl antier cumegn da Surses.

Tgi seia scu tgi viglia, ins dovrà gio ossa finanzas supplementaras per igl travagl ed ossa an spezial per la plazza da giuer. Chella ò custo radond 9000.- fr. Per buna furtegna ins ò già igl sustign da diversas varts. Per betg tgi igls unfants seian exponias mengia ferm agl suglegl sen la plazza da giuer ò la firma Schenker Storen regalo e monto ena stora. Chegl an counter-valeta da radond 3000.- fr. Ena contribuzion da sustign vign digl Lion's Club Surses cun 3500.- fr. Scu fons per la plazza da giuer ins ò mess zenslas da lenn tgi on custo 1000.- fr ed igl cumegn Surses ò paea la mesedad. L'interresa Savoldelli Electro ò fatg gratuitamaintg l'installaziun electrica dalla stora, l'interresa Stieger tetgs ò monto per navot igl tetg da schurmetg sur la stora e l'interresa Uffer SA è stada precurada per divers transports an valeta da 600.- fr. Diversas labours èn neidas fatgas an atgna prestazion dalla canorta. Da curveir chests costs totals da 9000. - fr. è angal sto pussebel cun igl sustign generous.

Ena festa d'energia per sustign

Per generar ulterioras antradas ins ò organiso per sonda passada en de d'avvertura dalla



Igl team dalla Canorta Tgimirola: (da san.) : Pascale Layaa-Laulhé (manadra), Bettina Bergamin e Monika Battaglia (tottas dus suprastanza), Daniela Spitznagel ed Anita Höltchi.